

5

ԹԵՄԱ

Հայկական պետականության նախարարական շրջանը

Դաս 52 Տարածաշրջանի քաղաքական դրությունը V- VI դարերում: Մարզպանական Հայաստանը և Պարսկաստանը

Գիտե՞ք, որ...

- Մարզպանական Հայաստանը հիմնականում ընդգրկում էր Մեծ Հայքի Այրարատ, Տուրուբերան, Սյունիք, Վասպուրական, Մոկք և Տայք (հաճախ՝ նաև Արցախ) նահանգները՝ 134 հազար քառ. կմ (Արցախի հետ՝ շուրջ հազար քառ. կմ) տարածքով:
- Մինչև V դարի կեսը մարզպանի գահանիստը Արտաշատն էր, այնուհետև՝ Դվինը:

Լրացուցիչ նյութեր

Աղվանք մարզպանության ստեղծումը

Պարսից Պերոզ թագավորի (459–484 թթ.) ժամանակ սրտեղծվում է մեկ այլ հայաբնակ մարզպանություն՝ Աղվանք մարզպանությունը, որի կազմում

ընդգրկվում են Հայքից անջատված Գարդման-Ուրիք, Արցախի նահանգները և կովկասյան ցեղերով բնակեցված Կովկասյան լեռների ու Կասպից ծովի միջև ընկած տարածքները: Մարզպանությունը կոչվում է Աղվանք, որովհետև վերացված Աղվանից թագավորությունը ամենամեծն էր տարածքով, նաև ի տարբերություն մարզպանության կազմի մեջ մտնող կովկասյան ցեղերի, հայոց այդ երկրամասի բնակչությունը նախկյաց էր, վարահեյի և ուներ զարգացման բարձր մակարդակ: Կովկասյան ցեղերով բնակեցված տարածքները հայերով բնակեցված Գարդման-Ուրիքին և Արցախին կցելը նպաստակ ուներ թույլ չտալ զուտ հայերից բաղկացած նոր մարզպանության ստեղծում: Այդպես կրացառովեր նրանց միասին հանդես գալը պարսից իշխանությունների դեմ:

Մարզպանական Աղվանքում հայ նախարարները շարունակում էին ազատ ու անկախ լինել իրենց տիրույթներում: Նրանք ունեին իրենց զորքը, ներքին կարգ ու կանոնը և միայն մարզպանի միջոցով հարկ էին վճարում պարսից արքունիքին: Աղվանքում գործում էր տեղական իշխանատու համ «Առանձահիկ» տիրույթով: Հավաքքի հարցում ենթարկվում էին հայոց կաթողիկոսական կենտրոնին:

Դաս 53 Վարդանանց պատերազմը: Ավարայրի ճակատամարտը

Գիտե՞ք, որ...

- Պարսից Հազկերտ II արքայի հրամանով Հայոց այրուծին 442 թ. Վարդան Մամիկոնյանի հրամանապարտությամբ կռվել է քուշանների (հոներ) դեմ:
- Ավարայրի ճակատամարտում զոհված մարտիկները դասվել են Հայ առաքելական եկեղեցու Կոնստանդիստանդուպոլիսի սրբերի շարքը և կոչվում են Սբ Վարդանանք:
- Մասնագետներից ոմանք Վարդան Մամիկոնյանի գերեզմանը փնտրել են Ավարայրի դաշտում, ոմանք՝ Նախիջևանի Աստրապատ գյուղի մոտ՝ Կարմիր վանքին կից սրբավայրում, Արագածի լանջերին:

Լրացուցիչ նյութեր

Եղիշեն Ավարայրի ճակատամարտի մասին

Եղիշեն որպես ճակատամարտի ականատես, Ավարայրի ճակատամարտի մասին գրում է. «...պարտապարտություն հեղուկ կողմերը սրբանշնությանը ու մեծ բարկությանը լցված, գազանային զորությանը հարձակվեցին իրար վրա: Կողմերի բարձրացրած աղմուկն ու աղաղակը լսվում էր ինչպես ամպերի ձայն: Ձայների դրոշմունից շարժվում էին լեռների քարանձավները: Բազմաթիվ սաղավարտների ու գրահի փայլը կտրում էր արեգակի ճառագայթների շողը: Բազմաթիվ սրերի շողշողումից ու նիզակների ճոճանքից կարծես կրակ էր թափվում երկնքից: Ով կարող է նկարագրել ահարկու ձայների այս մեծ փառապարտ, իրար զարկվող վահանների թնդունը և աղեղների լարերի ձայնունը, որոնք խլացնում էին բոլորին»:



Դրվագներ Ավարայրի ճակատամարտից, 1482 թ., Շարակնոց,
հեղինակ՝ Կարապետ Բերկրեցի

Դաս 54 Վահանանց պատերազմը: Նվարսակի պայմանագիրը: Ինքնիշխանության վերականգնումը Արևելյան Հայաստանում

Գիտե՞ք, որ...

- Վահան Մամիկոնյանը Վարդան Մամիկոնյանի եղբոր որդին է: Նրա հայրը զոհվել էր Ավարայրի ճակատամարտում:
- Վահան Մամիկոնյանը արքայից վերադարձրել է Ղազար Փարպեցուն, ով նրա պատվերով և հովանավորությամբ գրել է «Պարմություն Հայոց» երկը:

Լրացուցիչ նյութեր

Ղազար Փարպեցին Վահան Մամիկոնյանի մասին

Պարմիչ Ղազար Փարպեցին Վահան Մամիկոնյանի մասին գրում էր, որ խելացի, իմաստուն և բարի մարդ է: Այս հատկությունների շնորհիվ նա մեծ հեղինակություն է ձեռք բերում իր շրջապատում: Պարսից արքունիքում ևս նրա մասին լավ կարծիք էր ձևավորվել պարսկական տիրույթների: Սակայն ինչպես հաճախ է պարսկացիները, հայրնալում են մարդիկ, որոնց դուր չի գալիս նրա հեղինակության աճը և պարսկացի նախարարները սկսում են պարսից արքայի մոտ վարարանել նրան: Իմանալով այդ մասին, Վահան Մամիկոնյանը նվերներով մեկնում է Տիգրան և պարսից թագավոր Պերոզի ընդունելությանն է արժանանում: Պերոզը սիրալիր ընդունելություն է ցույց տալիս, այնուհետև նշանակում է Հայաստանի հարկահավաք՝ օգնական նշանակելով Վրիկ անունով մի ասորու:

Պերոզի վարահողությունն ավելի մեծացնելու նպատակով, Վահան Մամիկոնյանը առերես կրոնավորի է լինում: Որոշ ժամանակ անց Վահան Մամիկոնյանին հարկ է լինում նորից մեկնել Տիգրան, քանի որ այս անգամ օգնական նշանակված Վրիկն է ամբաստանում՝ ասելով, որ հավաքված ամբողջ ոսկին Վահան Մամիկոնյանը չի տալիս պարսից արքունիքին, այլ պահում է իր մոտ՝ կամ երկրից հեռանալու ու Հունաց կողմն անցնելու, կամ զորք հավաքելու և ապստամբելու համար: Այս անգամ ևս Վահան Մամիկոնյանին հաջողվում է գնալ ու Պերոզին համոզել, որ ինքը ապստամբելու միտք չունի, քանի որ Պարսկաստանը մեծ և ուժեղ երկիր է, որին հաղթելը դժվար է: Նա իր հետ Պարսկաստան է փանում նաև հավաքած ամբողջ ոսկին և տալիս Պերոզին: Նորից շահելով Պերոզի վարահողությունը, Վահան Մամիկոնյանը վերադառնում է Հայաստան՝ շարունակելով մնալ հարկահանի պաշտոնում:

Դաս 55 Տիեզերական ժողովները և Հայոց եկեղեցին: Քաղկեդոնի ժողովը և ընդհանրական եկեղեցու պառակտումը: Դվինի եկեղեցական ժողովները

Գիտե՞ք, որ...

- Տիեզերական ժողովներին մասնակցել են ոչ միայն եպիսկոպոսներ, այլև երեցներ, քահանաներ, սարկավագներ, ովքեր, սակայն, չեն ունեցել վճռական ձայնի իրավունք, այլ հանդես են եկել որպես եպիսկոպոսների օգնականներ կամ խորհրդականներ:
- Պատրույթունը վկայում է, որ Եփեսոսի տիեզերական ժողովին հրավիրված է եղել նաև Հայոց Սահակ Պարթև կաթողիկոսը, սակայն զբաղված լինելով՝ չի կարողացել անձնապես մասնակցել:

Լրացուցիչ նյութեր

Շահապիվանի եկեղեցական ժողովը

443 թ. Շահապիվանում տեղի ունեցած եկեղեցական ժողովում ընդունվում են խտրազույն կանոններ՝ ուղղված աղանդավորական շարժման մասնակիցների դեմ ի դեմս, մծղնեականության: Ըստ սահմանված կանոնների՝ կորում էին շարժման մասնակիցների ուրքերի ու ձեռքերի ջլերը, աղվեսադրոշմ էին դնում ճակատին, ինչը նշանակում էր, որ բոլորը պետք է խուսափեին ու հալածեին նրանց: Այս ամենից հետո նրանց զցում էին բորոտների մոտ՝ ապաշխարելու: Նրանց մեծահասակ երեխաները կիսում էին ծնողների ճակատագիրը, իսկ մանկահասակներին եկեղեցին վերցնում ու հալուկ դաստիարակության էր փոխում:

Շահապիվանի ժողովի կանոններով պատժվում էին նաև նրանք, ովքեր թաքցնում կամ չէին հայրնում նրանց մասին: Եթե թաքցնողը քահանա է, ապա կորում էին նրա ուրքերի ու ձեռքերի ջլերը, իսկ եթե բարձրաստիճան եկեղեցական կամ ազնվական է, ապա միայն նզովում էին: Ինչպես նկատում ենք, ավելի թեթև պատիժներ էին սահմանված բարձրաստիճան եկեղեցականների ու ազնվականների համար:

Դաս 56 Դրությունը Արևմտյան Հայաստանում VI դարում: Պարսկա-բյուզանդական պատերազմը և Հայաստանը

Գիտնք, որ...

- 387 թ. Հայքի բաժանումից հետո հռոմեացի պարմիչները (Պրոկոպիոս Կեսարացի) Բյուզանդիային ենթակա Հայքի համար օգտագործում են Արմենիա, իսկ Պարսկաստանին ենթակա մասի համար՝ Պերսարմենիա անունները:
- Հուարինիանոս կայսեր օրոք նրա արքունիքում բարձր տեղ էր զբաղեցնում հայազգի Նարսես զորավարը, ով բյուզանդական զորքի գլուխն անցած վերանվաճել Իրալիան:
- 591 թ. Հայաստանի բաժանումից հետո Հայ եկեղեցին թուլացնելու նպատակով Բյուզանդիայի Մավրիկիոս կայսրն Ավանում (այժմ՝ Երևանի հյուսիսարևելյան մասում) հիմնել է քաղկեդոնական հակաթոռ կաթողիկոսություն:

Լրացուցիչ նյութեր

Հայերի դավադրությունը

Հայերի արելությունը Հուարինիանոսի ու բյուզանդացիների հանդեպ այնքան մեծ էր, որ հայ զորավարները և այլ մեծամեծներ 548 թ. դավադրություն կազմակերպեցին նրա դեմ: Այն կազմակերպել էր զորավար Արշակ Արշակունին: Նրան միացան նաև Արտավան Արշակունին, ով սպանված Հովհաննես Արշակունու որդի էր, և այլք: Դավադրությունը բացահայտվեց, քանի որ այդ մասին իմացել էր մի հույն երիտասարդ և մատնել նրանց: Բյուզանդիայի կայսրը բավարարվեց Արտավան Արշակունուն պաշտոնանկ անելով, բոլորին ձերբակալելով ու որոշ ժամանակ պահելով ոչ թե բանտում, այլ պալատում: Այս ամենը այն պատճառով, որ Արտավան Արշակունին մեծ զորավար էր: Նա հեղափոխում մեծ ծառայություններ մատուցեց կայսրին՝ նվաճելով Աֆրիկան:

Արաբական նվաճումները և Հայաստանը: Հայաստանը արաբական խալիֆայության կազմում: Հակաարաբական ապստամբությունները

Գիտե՞ք, որ...

- Թեոդորոս Ռշտունին և նրա որդի Վարդը արաբական 7 հազարանոց զորախմբի օգնությամբ հաղթել են Հայաստան խուժած բյուզանդական զորքերին և հասել մինչև Տրապիզոն:
- 750 թ. արաբ զորավար Էլ Մանսուրը մեծ զորաբանակով մտնում է Հայաստան և պահանջում, որ հայերը վճարեն 747-750 թթ. ապստամբության փարիների չմուծված հարկերը: Հարկ էին վերցնում նույնիսկ այդ փարիներին մահացած մարդկանց հարազատներից:

Լրացուցիչ նյութեր

Ղևոնդ պատմիչը 748-750 թթ. արաբների դեմ տեղի ունեցած ընդվզումների մասին

Այն ժամանակ, մեր երկրի բոլոր նախարարները խորհեցին դեն նետել հնազանդության լուծը, սպստամբել և ազատվել Իսմայելի հպատակությունից: Այս խորհուրդը րվել էր Գրիգորը՝ Մամիկոնյան փոհմից... Իսկ Հայաստանի բոլոր նախարարները, գալով Աշոտ իշխանի մոտ, համոզում էին նրանց կողմնակից դառնալ և միաբանել անօգուտ խորհրդին: Իշխանը րեսնելով նախարարների և նրանց հեծյալների միաբանությունը, նախարարներին մեկ մեկ կանչելով՝ բազում խոսքերով թախանձում էր չձեռնարկել այս ապիրապ գործը: Նա ասում էր. «Ո՛վ եղբայրներ մեր զորքերը սակավաթիվ են... չենք կարող դիմադրել նրանց զորքերին և ոչ էլ մեր երկիրը փրկել վիշապի բերանից, այլ միայն րանջանքի ու վրանգի կենթարկենք նրան...»:

Հայաստանի նախարարները չկամեցան ընդունել իմաստուն իրապը, այլ անդրադարձ լինելով՝ ասացին. «Եթե չմիաբանես մեր որոշումին, քո զորքից ոչ ոք չի մնա քեզ հետ, չենք կարող ժուժկալել այն րագնապներին, որոնց մեջ է մեր Հայոց երկիրը»: Այդ ժամանակ Աշոտ իշխանը ակամայից համաձայնեց միաբանել Գրիգորի և այլ նախարարների հետ և իրապ հետ ուխտի դաշինք կնքեցին րերունական խաչի միջնորդությամբ՝ հավապարմորեն պահպանելու

միաբանության սերը:

Որոշ ժամանակ անց միաբանությունից հեռացավ Աշուր իշխանը և նախարարներից ոմանց հետ եկավ հասավ Բագրևանդ գավառի Հագր գյուղը՝ կամենալով միաբանել Բամայելի (արաբ պաշտոնյա) որդիների հետ: Այն ժամանակ նախարարները, ովքեր նրա հետ էին, նենգելով զեկուցեցին չարասեր Գրիգորին այդ մտադրության մասին: Իսկ սա կամենալով գլուխ բերել վաղուց մրաձված դավադրությունը, շուրափույր կազմեց իր զորքը և նրա հետևից հետամուտ լինելով՝ ազոավի նման լեռների վրա ընթանալով, գիշերը վրա հասավ և պաշարեց նրա հանգստյան կայանը... Բռնելով նրան՝ հրամայեց աչքի լույսից զրկել:

Գիտե՞ք, որ...

- Վրաց Կյուրիոն կաթողիկոսն ընդունել է քաղկեդոնականություն, և 608 թ. Վրաց եկեղեցին բաժանվել է Հայոց եկեղեցուց: Մինչ այդ Վրաց եկեղեցին ճանաչում էր Հայ առաքելական եկեղեցու գահերեցությունը:
- Սուրբ Հռիփսիմեի եկեղեցին կառուցվել է 618 թ. Կոմիդրաս Ա Աղցեցի կաթողիկոսը: Այն ընդգրկված է ՅՈՒՆԵՍԿՕ-ի համաշխարհային ժառանգության ցանկում:

Լրացուցիչ նյութեր

Զվարթնոց տաճարի կառուցման մասին

Պատմիչ Սեբեոսը գրում է. «Այնպեղ (կաթողիկոսը) կառուցեց մի եկեղեցի՝ երկնավոր Զվարթնոց անվամբ, որը նշանակում է երկնային զինվորների (զվարթունների, կամ հրեշտակների) բազմություն, որոնք երևացել են Սուրբ Գրիգորին տեսիլքի ժամանակ...»: Այսինքն՝ «զվարթնոց» նշանակում է զվարթունների, հրեշտակների դաս: Ավելի քան երեք դար կանգուն մնալուց հետո Զվարթնոց տաճարը փլուզվել է, մնալով անկրկնելի և առեղծվածային: XI դարի սկզբին Անիում Զվարթնոցի օրինակով կառուցվել է Գագկաշեն Սուրբ Գրիգոր եկեղեցին, որի մանրակերպը հայտնաբերվել է պեղումների ժամանակ: Զվարթնոցի տաճարի պատկերը օգտագործվել է նաև եվրոպական միջնադարյան ձարտարապետության մեջ՝ կապված Համաշխարհային ջրհեղեղի ու Նոյան տապանի թեմաներով կոթողներում: Այսպես, Նոյան տապանն է պատկերված Փարիզի Սեն Շապել (XIII դ.) եկեղեցու հարթաքանդակներից մեկում: Իսկ Նոյան տապանի ու Հայաստանի կապը ցույց տալու համար տապանի մեջ պատկերվել է Զվարթնոցի եռահարկ տաճարը (VII դ.):

Դաս 59 Հայոց եկեղեցին և աղանդավորական շարժումները (մծղնեականներ, բորբորիտներ, պավլիկյաններ):

Գիտնք, որ...

- *Բորբորիտների հալածանքն այն պարպավորություններից էր, որ սրանձնել էր Սահակ Պարթևը Թեոդոս Բ կայսեր և Կոստանդնուպոլսի Արքեպիսկոպոս պատրիարքի հրամանով՝ Հայաստանի արևմտյան հատվածում մայրենի գիրը տարածելու և հոգևոր գործունեություն ծավալելու համար:*
- *Հայկական առասպելի համաձայն՝ հոռոմների մի կայսր պավլիկյաններին հալածել է, և նրանք փախել են Կովկասյան լեռներից այն կողմ: Նրանց գլխավորել է Մարե անունով մի կախարհ կին:*

Լրացուցիչ նյութեր

Պավլիկյանները

Պավլիկյանները ժխտում էին անդրշիրիմյան կյանքը, եկեղեցական ծեսերը: Նրանք չէին ընդունում Հին Կտակարանը, իսկ Նոր Կտակարանից ընդունում էին որոշ դրույթներ: Հերքում էին Մարիամի աստվածածին լինելու գաղափարը, Քրիստոսին վերագրում էին միայն աստվածային հատկանիշներ, մերժում էին հարություն առնելու գաղափարը և այլն: Նրանք նաև գրնում էին, որ պետք է անիծել խաչը ու չխաչակնքել: Նրանք չէին ընդունում հաղորդությունը, մկրտությունը և պատարագը, որոնք մեծ շահույթ էին ապահովում եկեղեցու համար: Պավլիկյանները մերժում էին նաև սրբերի պաշտամունքը, սրբապատկերները և եկեղեցիները: Նրանք գրնում էին, որ ով հավատում է աստծուն, կարող է առանց միջնորդի կապվել նրա հետ, որտեղ ցանկանա, որովհետև աստված ամեն տեղ է ու ամենագոր: Իրենց հավաքաբարեղիները նրանք անվանում էին աղոթարան, իրենց հոգևորականներին՝ ուղեկիցներ, նուբարներ: Նրանք գրնում էին, որ բոլոր մարդիկ հավասար են և նրանց հոգևոր առաջնորդները հագուստով և սպրեյակերպով չէին տարբերվում աղանդի մյուս անդամներից:

Դաս 60 **Տնտեսությունը, առօրյա կյանքն ու կենցաղը, հասարակական հարաբերությունները Հայաստանում V-IX դարերում:**

Գիտե՞ք, որ...

- Գոյություն են ունեցել պարսպապար և ոչ պարսպապար կամ բաց քաղաքներ: Պարսպապար քաղաքներ էին այն քաղաքները, որոնք ունեին միջնաբերդ և պարսպապար էին: Այդպիսի քաղաքներ էին Վանը, Դվինը, Կարինը և այլն: Անպարհապ ու միջնաբերդ չունեցող քաղաքները կոչվում էին բաց քաղաքներ: Բաց քաղաքներ էին Արծնը, Ոսրանը, Արծկեն:
- Արմինիա գրությամբ ոսկե և արծաթե դրամներ են հայտնաբերվել շար երկրներում, որոնք տարածվել են արաբական այլ դրամների հետ: Արմինիա գրությամբ ոսկե և արծաթե դրամների հարուստ հավաքածու կա Հայաստանի պատմության թանգարանում:


Լրացուցիչ նյութեր

Արաբների վայրագությունների մասին

Երկրի ներքին առևտրի զարգացման հետևանքով Դվինում, Վանում, Արծնում, Նախիջևանում և այլ քաղաքներում առաջանում են շուկաներ ու վաճառափողոցներ: Առևտրական ճանապարհների խաչմերուկներում և խոշոր քաղաքներում կազմակերպվում էին տոնավաճառներ, որտեղ իրենց արտադրանքն էին վաճառում ոչ միայն հայ արհեստավորներն ու գյուղացիները, այլև օտարերկրյա ու հայ առևտրականները: Առևտրական հարաբերությունների զարգացման հետևանքով առանձին մարդկանց մոտ կուտակվում էին մեծ դրամական միջոցներ, որն այնուհետև ներդրվում էր վաճառության, արհեստագործության ու գյուղատնտեսության մեջ: Արաբական տիրույթության շրջանում երկրի տնտեսությունը և հայ ժողովրդի վիճակն էլ ավելի վարթաբարացավ տարեց տարի ավելացող ծանր հարկերի պատճառով: Արաբ հարկահանները մեկը մյուսին գերազանցելով, բռնություններով ու ճնշումներով հարկ էին վերցնում բոլորից, նույնիսկ մահացածներից: Այդ մասին վկայություններ ունի Դևոնդ պատմիչը (VIII դար): Միվանից հետո նրան փոխարինած Աբդուլլա խալիֆը իր եղբորը ուղարկում է Հայոց աշխարհի հարկ հավաքելու: «Սարսափելի ձևով նա սկսեց չարչարել

որբերին ու այրիներին, հարկ պահանջելով մահացածների համար: ... Քահանաներին ու սարվածային խորանի մյուս պաշտոնյաներին ենթարկեց խոշտանգումների, պահանջելով հայտնել մահացածների անունները: Խոշտանգում էր նաև բնակիչներին՝ յուրաքանչյուր մարդուց պահանջելով զուգի՝ /արծաթ դրամ/: Մարդիկ իրենց վերջին ունեցվածքը տալով, չէին կարողանում ելք գտնել վճարման համար, որ կարողանան ազատվել կտրանքից, կախաղանից և դառը փանջանքից: Դրա հետևանքով շատերը փախչում, թաքնվում էին երկրի այրերում ու քարանձավներում»:

Ազնվականները ևս զերծ չէին մնում հարկահանների հալածանքներից: «Եվ տոհմիկ ազնվականները կամա, թե սկամա, ընծա էին բերում ձիեր ու ջորիներ, պատվական հանդերձներ, ոսկյա ու արծաթյա իրեր, որպեսզի կարողանան լցնել վիշապի բերանը, որը հարձակվել էր երկրի վրա՝ երկիրն ավերելու նպատակով»:



Դվինի կենտրոնական հրապարակը:
Գծանկարը՝ Ա. Պատրիկի